

## Nwa' wvu Jem

### Fiεε fi nu ê Nwa' Jem wvun e

Nwa' wvun to san Jem fô bonyii bo Nyo' le bocii bô to nu ε tawse won e tfuu. Nwa' Jem wvun nyaa bontefe nteen no è nulo é wee Klistu eceè ê bonyii ente. Fiεε fi wee wvù san nwa' wvun baay leeme yî dvú le nu ε wee Klistu egeè mwεεm ε è nu mvù dunçi le wvú nu ε lese fitele yi Nyo' le.

*Bikuu bi mwεεm e ê nwa' wvun e*

1:1 Keηkεwce

1:2-8 Keelese fitele yî Nyo' le bô bvufee bvù nen'yi fô Nyo' le

1:9-11 Kefufe bô kpaw

1:12-18 Mmom bô mwεεm mvù teeyi bonyii

1:19-27 Keeyuuke gee

2:1-13 Fo wee eduçi kejεεy jεεy

2:14-26 Keelese fitele yî Nyo' le bô gee di leη

3:1-18 Wee Klistu bô leme diew

4:1-5:6 Wee Klistu bô won wvun

5:7-20 Bontefe jεεy jεεy

<sup>1</sup> Nwa' wvun san me wvù Jem, waa lemme Nyo' bô Tata Jisos Klistu. Me nsan fô dikfuu di bonyii bo Nyo' le di yuufe ncow difεε di nu ε tawse won e tfuu. Me ηgayte ben e. \*

---

**1:1** Mat 13:55; Lem 12:17; 15:13; 21:18; 1Kol 15:7; Gal 1:19; 2:9; 1Bi 1:1 \* **1:1** Dikfuu di bonyii bo Nyo' le nu Bojuu bô nu ε lese fitele yî Jisos Klistu le, ε bó ε tawse ε no cee bitum bimew e.

*Keelese fitele yî Nyo' le noo keefeefene*

<sup>2</sup> Boom bo bwεεm e, é mmom too fô ben e jé le jé le, é ben jo λε è nu bvujonke. <sup>3</sup> Me njemyi nonεn njefo no ben fele ê mmom εnte, leese κε fitele yî Nyo' le, nu ε yî nu ege é ben ekee keekuu shém ntay. <sup>4</sup> Ben ekuulè κε shém nonεn egeεn emεse, wvu λε ben enu bonyii bò nu ε taw ε kocεn, yaa tane fiεε yî yene le κε.

<sup>5</sup> E wee mvu ben e tane bvufee keekiεε fiεε fi Nyo' gomte, é wvú λεκε ε è nu ê Nyo' é wvú enya. Nyo' nu wvù nyaa ê wee tfuu bô fitele ficii yaa waale wee κε. <sup>6</sup> Geenεn, wee edioo elεke no leeme κε bô Nyo' fitele fimwaan, yaa maηene κε. Ben ekeè λε wee wvù maηene nu diεwε joo yi baay yî fwefwe bvuyte ε yî shεεηke bii jò wvú gene. <sup>7</sup> Fo wee diεwε wvuε le ekpwaakè λε wen nu ke elεke fiεε ê Nyo' ekeηke κε. <sup>8</sup> Wvuεε wee nu wvù keηke mvuntelem mvunfεεm, tuwtene lo yî fiεε ficii fi wvú gee le.

*Bonyii bo kefufe le bô bo kpawaw e*

<sup>9</sup> Wee mbee wvù fuute eyuukè njon λε Nyo' nu ε bense wase wvú, <sup>10</sup> é wee kpawaw eyuukè njon λε bó nu ε shike wase wvú, njefo wvú nu ke egeεn ecineε kpawaw we le κε λεηλεη no fow ké looke yî εgay e ke ne yeλε. <sup>11</sup> No diuu ké sane dioo baa ton'yi ε εgay yowλεn, ε fow wvù yî dvú le yeλε, ε bvujonke bwew ka, nu κε λεηλεη no wee wvù ghane kuηene kpawaw we nu ke egeεn.

*Mmom bô mwεεm mvù teeyi bonyii*

<sup>12</sup> Njon wvu baay nu wvu wee wvù kuule shém

---

**1:2** Lum 5:3-5; 1Bi 1:6-7      **1:5** Bηgn 2:6      **1:6** 5:13; Mat 7:7; 21:21-22; Efe 4:14      **1:9** 2:5      **1:10** Job 14:2; Mben 90:5-6; Yesa 40:6-8      **1:10** 5:1      **1:12** 5:11; 1Kol 9:24-25

seke mmom ε to fô wvú le, njefo è nu seke wvú ε leem ε teme, é wvú ke ekεηke kefo ke bvunfon e kè è nu nshii wvù mey lo kè Nyo' nu ε kaw wee tfuu wvù koonke wvú dvú. <sup>13</sup> Fo fiεε ké dioo teeyi wee le wvú ege kebefε, ε wvú no duù le è teeyi Nyo' wen ke, njefo ke è nulo é fiεε etele Nyo' le wvú ege kebefε ke. E ke Nyo' ké no teeyi fiew wee ke. <sup>14</sup> Fiεε fi ké tele wee nonεn, nu mwεεm mvù befe mvù wvú keηke shiee yí dvú le, é mvù dioo ε lewce wvú mum wow, <sup>15</sup> é shiee wvun ké teme, mum to bô kebefε, é kebefε ké dioo ε ku ε kocεn, to bô kpwe.

<sup>16</sup> Boom bo bwεεm e bô nu shém yem, fo ben elεεlè bikuu binεn ke. <sup>17</sup> Mwεεm mvunciim mvù jee nu leη, mvù beene keηke nen'yi ε è nu fowe fô Nyo' le. E nu wvú Cee Mbom mwεεm mvunciim mvu fowe mvù nyaa n'yu. Ke Nyo' kumene diεwe kenjinjin e kè ké no kumene mondvuum ke. <sup>18</sup> E nu wvú wvù to cawεε beene nya beene bô diεw yì nu kecεεy ε yì nya nshii wvu fwε ê beene, wvu le beene enù fiεε fi fwe fi wvú to balεε le è nu naa fiew ente jo mwεεm mvunciim mvù wvú to bomεε.

### *Keeyuuke diεw Nyo' gee no yí gomte*

<sup>19</sup> Boom bo bwεεm e bô nu shém yem, ben ekiεε le wee tfuu keηke keenu cekey keenya bitem yì fiεε le, joð wεε bô njeme, joð wεε bô shém yì ton'yεεn, <sup>20</sup> njefo ke wee wvù ton'yi shém nulo ege fiεε fi teytey fi Nyo' shieele ke. <sup>21</sup> Fí ε no nu le, ben ecine nce nnyεn e noo kenje kè temyi le, eshike bikuu binεn, efiεεn diεw Nyo' yì Nyo' nu ε lese fô

---

**1:13** Bηgn 19:3; 1Kol 10:13      **1:14** Lum 6:19-21; 7:7-10; 1Jon 2:16-17      **1:17** Kenj 1:14-18; Mat 7:11      **1:18** Jon 1:13; Lum 8:19-23; 1Bi 1:23      **1:19** 3:2; Bηgn 15:1; Ekle 7:8-9      **1:21** Kolo 3:8; 1Bi 2:1

mvuntelem mvunen e. Diew yin nu yì nulo eboyse ben.

<sup>22</sup> Fo ben elɛɛlè bikuu binen keeyuuke kɛ lo diew Nyo' maɲ kɛ. Ben egeè no yí gayte. <sup>23</sup> Wee wvù yuuke kɛ lo diew Nyo' yaa gee no yí gayte, nu diewe wee wvù nu ε taa bvushiw bwew ê kenlɛy e, <sup>24</sup> no wvù tale nonen, ε base jim ε mum ε kase ε daaye no nfiեսen ye nu. <sup>25</sup> Geenɛn, wee wvù looci taale ê nci wvù taashi bonci bocii bvuu bvuuuse bonyii bvunfaw e, leeme yí dvú le sekecii, yaa daayi fiε fi wvù yuuke ε wvù jemyi, gee no wvù gayte, nu ε Nyo' nu ke elan kembonɛn yí fiε ficii fi wvù gee le.

<sup>26</sup> E wee teɲe ekole kew le wen looci nu wee mbee, ε fanɛ yaa ejici leme diew e, tu wvù lɛle ekole kew, ε fiε fi wvù teɲe ekole kew le wen nu wee mbee nu εcici. <sup>27</sup> Mbee wvù Nyo' Icee wesebeene yene ε è nu wvu lɛɲ bvuu yuule ê wvù ɛjise, nu wvu wee wvù taale fô boom bo bonkfu le noo fô boke' bo bonkfu le seke bó nu yí ɲɛw e. E è bvuu nu ten wvù kemsene bô ekole kew fo mwεem mvu yí nshɛ le fɛn elom wvù.

## 2

### *Fo ben eduɲci kejeɛy jɛy kɛ*

<sup>1</sup> Boom bo bwεem e, no ben nu ε lese wase fitele yí Tata wesebeene wvù Jisos Klistu wvù nu Tata bvukukɛ le, fo ben eduɲci kejeɛy jɛy kɛ. <sup>2</sup> Me

---

**1:22** 2:17; Mat 7:24, 26; Lum 2:13    **1:25** 2:12, 24; Mben 19:7; Jon 13:17; Lum 8:2; Gal 6:2    **1:26** 3:2, 10; Mben 34:13; 141:3    **1:27** Mben 10:14, 18; Yɛsa 1:17; Mat 25:35-36    **2:1** 2:1-9; Dito 1:17; 10:17; 16:19; 2; Job 34:19; Mben 82:2; Bɲgn 24:23; Mat 5:45; Lem 10:34; Lum 2:11; 10:12; Gal 2:6; Efe 6:9; Kolo 3:25; 1Bi 1:17

njemyi nonen njefo è nulo é bonyii bofεε enε eley yew yene nshii le, ε wvumvu ε jise ndvú ε yí jee, ε lese mvuncaw ε bó ε kene bô ketwaa ke bigew e kè yεεle, ε wvumvu wee nu fiew wee kefufe, ε wvú ε jise ndvú ε yí ε sawyε. <sup>3</sup> Ben ε nε ε gay ê wee kefufe le, “Leem fofe,” kenεε le, “To eshii fokuse fεn nshe le,” ε mum ε nya bvufee ε è nu yí wee wvù sufe ye wε le, ε gay ê wvú le, “Kε to eshii fεn wee wvu baay.” <sup>4</sup> E ben nε ε ge nonen, kε tu ben nu ε tu wase bonyii bò sumtene bonsaw bô mvuntelem mvù yiile? Kε fifin yen'yi le ben duηci kejεεy jεεy ê ben entelεη e?

<sup>5</sup> Boom bo bwεεm e bò nu shém yem, ben eyekε eyuw, kε è nu bonyii bo kefufe le bo fokuse fεn bò Nyo' nu ε caw le bó elooci keηke mbee wvù nu ε yiηsen e? E kε è bvuu nu bó bò Nyo' nu ke enya bó bô bvudvuu ente jo bvunfon bwew bvù wvú to kawεε wee tfuu wvù kooηke wvú dvú le? <sup>6</sup> Geenεn, ben nen'yi finen kaa no shoose lo wee kefufe ê yiye je le, yene ε è nu wee kpaw e. Bonyii bò nu ε ben ε shii yí yene le guute ben gene dvú yéw bonsaw e nu baa? Kε è nu bonyii bo kpaw e le? <sup>7</sup> Kε è bvuu nu kε bó bò jemyi díew yì befe ekumε diee di Tata wvù keηke ben e le?

<sup>8</sup> Ben elooci gεεle nci Nfon wvù Nyo' wvù nu ê Nwa' we le. Nci wvun nu le, “E kooηkè waa bwoo no wo kooηke ekole kuw.” E ben gee nonen, tu ben gee leη. <sup>9</sup> Geenεn, é ben duηci kejεεy jεεy no me mbe njeme wase, tu è nu kebefε ε ben gee, tu ben nu ε ηgoy nci wvú ε koo ben. <sup>10</sup> Ben ekeè le é wee gεεle naa bonci bo Nyo'

le bocii, ε ke ε ηgoy mwaan, tu wvú nu ε ηgoy wase bocii. <sup>11</sup> Ε fí nu nonen, njefo Nyo' wvù to gayεε λε, “Fo wo ejaη kpwεεε wee κε”  
nu κε ten wvú wvù to gayεε λε,  
“Fo wo eyu wee κε.”

Ε wo nu σε wo nu ε jaη kpwεεεε wee, geenen ε yu wee, tu wo nu ε ηgoy κε nci Nyo'. <sup>12</sup> Nonen, ben ejemyì bvuu geè mwεεm diεwε bonyii bò Nyo' nu ke esaw bó bii nci wvù bvuuσε bonyii bvunfaw e. <sup>13</sup> Ben ekeè λε Nyo' nu ke dīoo saake nsaw, wvú saa ekoole shen fô wee wvù to baa koole shen fô wee mvu le κε. Geenεn, wee wvù koole shen nu wvù nu ke eboy yî nsaw e.

*Fiεε fi dunçi λε wee nu ε lese fitele yî Nyo' le nu gee diew di læη*

<sup>14</sup> Boom bo bwεεm e, é wee nε ε no duu λε wen nu ε lese fitele yî Nyo' le, ε gee diew yaa dunçi nonen κε, é fifiε ke efi wvú yî la le? Ε nulo é fitele fi wvú lese fidvu ke eboyσε wvú? <sup>15</sup> Bó ejo λε, é waa bwoo wvù diemsen kenεε wvù kpwoon nε ε no tane ndvú bô mwεεm mvudien mvu εdiuw εcii, <sup>16</sup> ε to fô wo le, wo ε gay ê wvú λε, “Nyo' elañ kembonen yî yo le é wo ekeηκε ndvú bô mwεεm mvudien.” Ε wo gay κε lo nonen, σε wo ε nya wvú bô mwεεm mvù wvú shieele, é fifiε efi wvú yî la le? <sup>17</sup> Ben baa yen λε λε é wee duu λε wen nu ε lese fitele yî Nyo' le, σε gee diew dunçi nonen, tu fitele fi wvú lese εfinεfin nu εcici?

<sup>18</sup> Wee mvu nulo enε egay λε, fi wee mvu le nu ε wvú ε lese ε è nu fitele yî Nyo' le, ε fi wee mvu

**2:11** Ksm 20:13-14    **2:12** 1:25    **2:13** Mat 5:7; 7:1; 18:32-35

**2:14** Mat 7:21; 1Jon 3:17    **2:15** Mat 25:35-36    **2:17** Gal 5:6, 16, 22-24; 1Jon 3:18

le nu ε wvú gee ε è nu gee di leη. Me ε mum ε no ηgayte le wvú eduηce no è nulo é wee else fitele yî Nyo' le se gee diew nu leη, é me nduηce ê wvú no me nu ε nlese fitele yî Nyo' le ε è nu yî gee diem di leη e. <sup>19</sup> E wee nu ε bee le Nyo' nu mwaan, tu è nu leη. Geenεn, naa bonceendaa bo dewle le ten nu ε bee ke nonεn ε no fane, ciηke. <sup>20</sup> Wvuwε wee nu keyuη. Wvú gomte le me enduηce le é wee lese fitele yî Nyo' le se gee di jee ηkuuη, tu è nu εcici? <sup>21</sup> Ke fiεε fi to gee ε Nyo' yen le Aba'am wvú icee wesebeene nu ε kocεn wee we le to nu gee diew di leη e? Wvú to nu ε jo waa we wvú Aysik, jike yî ketan ke ncese le keege ncese dvú fô Nyo' le. <sup>22</sup> Ben ε yen le le fitele fi wvú to lesεε yî Nyo' le bô gee diew di leη to lene ekale kemwaan e? Gee diew di leη to nu ε duηce le fitele fi wvú to lesεε yî Nyo' le to nu ε yiηsen. <sup>23</sup> E fi mum kocεn no bó to sanεε ê Nwa' Nyo' le le,

“Aba'am to nu ε lese fitele yî Nyo' le, nje nonεn, ε Nyo' yen le wvú nu wee wvu teytey.”

E bó mum no teηe wvú le nsaa Nyo'. <sup>24</sup> Ben ε bvuu ε yen le le fiεε fi ké ge ε Nyo' yen le wee nu ε kocεn wee we le nu gee diew di leη, ε è yaa mεy ke fitele fi wvú lese yî Nyo' le maan ke?

<sup>25</sup> E nu ke leηleη no fi La'ab wvú to nu kpwoon nsake le to nu. Fiεε fi to gee ε Nyo' yen le wvú nu ε kocεn wee we le to nu gee diew di leη. Wvú to nu ε fiisen bonkee bo Islael ê wvú yew, ke duηce je yimi jεey yi bó etu jim jó. <sup>26</sup> Fí ε no nu le, ke no keyoy

---

**2:19** Dito 6:4; Mat 8:29; Mak 1:24    **2:21** Kej 22:1-18; Lum 4:1-5, 13-16, 19-22; Ibu 11:17    **2:23** Kej 15:6; Lum 4:3    **2:25** Yosh 6:17; Mat 1:5; Ibu 11:31    **2:26** 2:17, 20

cin'yi nyam ye le ε yí mum no nu wase fiεε fi εcici, nu κε ληληη no wee lese fitele yî Nyo' le σε gee di ληη ηkuuη tu fí nu εcici.

### 3

#### *Wee eshe bô leme diew*

<sup>1</sup> Boom bo bwεεm e, fo ben nteen egomtè keenu bonyii bo n'yεεyi le κε. Ke ben kee ntay le bonyii bo n'yεεyi le nu ε wvubo nsaw nu ε bó nu ke elooce etasse ntay? <sup>2</sup> Ε nu kecεεy le beene bocii gee bojay nteen. Geenεη, é wee nu dvú wvù yaa ké jay njeme κε, tu è nu wee ε wvú ε kocεη, bvuu kee tεη keekεmεη bô ekole kew. <sup>3</sup> Beene ké jo ncaw lese εmvu jo nyambala keege le yí eyuukè beene le. Ε beene mum no banse nyam yidvu dvú ε yí gene jò beene gomte. <sup>4</sup> Ben eyεη tεη no ηguw wvu ê joo nu. Wvú kuuke naa ntay, ε fwefwe wvù tεmyi ké no domsee. Geenεη, ε fiεε fi wee wvù guute ηguw banse dvú ε wvú gene jò wvú gomte, nu κε ηεη caan. <sup>5</sup> Ε nu κε ληληη no leme nu. Dí nu κε lo fiεε fi caan yí wee le. Geenεη ké no jemyi mwεεm mvù tεmyi baay.

Ke ben kee no è nulo é ηguy ekpway nεη kpwayy, ekoo, eshike εkowε kecile fokuse? <sup>6</sup> Leme nu κε tεη diεwε ηguy e. Mwεεm mvù befe mvu fokuse fεη nu ε tase yí leme di wee le, lamte beete bô ye wee yicii. Leme ké fwεε ηguy ε wvú befe bô nshii wee tfuu. Ε ηguy wvun nu ε leme joo ε è nu fô ηguy wvu baay e. <sup>7</sup> Bonyii nu ε mom wase keeyεyi dikfuu di nyám e dicii. Bó nu ε yεεyi wase nyám yi ηkpwaante bô



mvunyiim noo nyám yì sone bô yi ê joo. <sup>8</sup> Geenεn, ke wee nu naa lo dvú wvù nulo eyεεyi leme ke. Leme ké no wεwte ke lo, ε dí ε yiηsen bô kebefε ε è nu kè nulo eyu wee ke diεwε εdien ε fimbuw e. <sup>9</sup> E nu leme din di beene ké no bensee Tata wvù Icee wesebeene dvú, ε è bvuu nu ke dí di beene ké no nan'yi bonyii dvú, ε bonyii ban nu ε è bom Nyo' ε bó fieesene wvú. <sup>10</sup> Diuw mwaan ε mum ε no bvuuuse mbense bvuu bvuuuse boncun. Boom bo bwεem e, ke fí keηke keenu nonεn ke. <sup>11</sup> E nulo é joo yì yuule bô keduuduu ebuyte diuw mwaan e? <sup>12</sup> Boom bo bwεem e, è nulo é fimbi eyum yî efεle le? Nuw le è nulo é ntulun eyum yî efεle le? Ke è nulo ten é diuw joo lew ebvuuse joo yì jee ke.

### *Bvufee bvù nen'yi fowe*

<sup>13</sup> E nu yεε ê ben εnte wvù duu le wen feefene bvuu kee fiεε? Mwεten edunεε ekole kew yî nce we wvù jee bô gee diew di leη di wvú gee yaa saale ke ye, no wee wvù feefene ké no nu. <sup>14</sup> Geenεn, é wee ffuuke bô kenghεw noo ken'yεε ejise fô fitele le, fo wvú esaalè ye le wen feefene lo ke. E wvú ge nonεn, tu wvú tune kecεεy. <sup>15</sup> Ke kfuu bvubwε bvufee yaa nu bvú fowe ke. E nu bvú yî nshε le, ε è nu bvú wee wvu wum e, ε è bvuu nu bvú dεwle le. <sup>16</sup> Ben ekeè le naa fεε fô bonyii keηke kenghεw bô ken'yεε ejise, nu ε mwεem ké no bvuuηke ke lo fó. E bó no gee dikfuu di mwεem mvù befe le mvunciim. <sup>17</sup> Geenεn, wee wvù keηke bvufee bvù nen'yi fowe ké no yuule, koonke nyεkeey bvuu nu wεε, nyaa ten

---

**3:8** Mben 140:3; Lum 3:13; Efe 4:29      **3:9** Kej 1:26-27      **3:12**  
 Mat 7:16      **3:13** Lum 12:16      **3:14** 1Kol 3:1-3; Gal 5:20-6:4      **3:15**  
 1:5, 17      **3:17** Mat 5:48; 1Kol 13:4-7; Gal 5:22-23; Fili 1:9-11

bitem ê wee mvu, nu ε wvú ε yiηsen bô shen noo gee dì jee, yaa dunçi kejεεy jεεy κε, yaa κηηκε díεw fiεε κε. <sup>18</sup> Bonyii bô gεεle nyεkeey, jewyi ηgow yì è nu nyεkeey, ε ηgbwele no nu nce wvu teyete.

## 4

*Keekoηke mwεεm mvu yî nshε le beete bô wee Nyo'*

<sup>1</sup> Fiεε fi nen'yi no too bô waa noo bvudiuw ê ben entelen nu la? Ke è nu shiee mwεεm mvù ye yene gomte mvù ffuuke shém yene le le? <sup>2</sup> Ben dioo shieele fiεε se ben ε κηηκε mum no gomte keeyu wee se κηηκε. Ε ben ké dioo bvuuushi εjise yî fiεε le, é fí fufe, é ben mum no waale, diuu. Fiεε fi gee ε ben nu se ben κηηκε mwεεm mvun nu njefo κε ben ké no leke ê Nyo' κε. <sup>3</sup> Ε ben ké dioo ε cim ε leke, ben saa κηηκε κε, ε è nu njefo κε ben leke bô bonkpwawce bo len κε. Ben leke mwεεm ε è nu κε keege mwεεm mvù ye yene gomte dvú. <sup>4</sup> Ben nu naa lo diewe bokεε bô nu ε cine wase bolemse bobole ε no gee ε è nu nsake le. Ke ben kee le é wee kole nsan bô won wvun, tu wvú nu ε tu wase wee bvuban fô Nyo' le le? Nonen, ben ekeè le ε è nu naa γεε wvù nu ε caw fiew keekoo nsan bô won wvun, tu mweten nu ε tu wase wee bvuban fô Nyo' le. <sup>5</sup> Ε nulo é ben eghan nεε se no kpwaake le fiεε fi bó to sanεε ê Nwa' Nyo' le nu εcici? Bó to nu ε san le, “Nyo' κηηκε shiee, beele baay fô keyoy kè wvú to γεκεε le kí enù yî

yese beene le.” \* <sup>6</sup> Nyo' fii naa beene baay. E nu fiεε fi bó sanεε ê Nwa' Nyo' le ε,  
 “Nyo' shiwse bonyii bò bensee bikuu bibole,  
 geenεn buuke bonyii bò shiwse bikuu bibole bô  
 nfi.”

<sup>7</sup> Nonεn, ben enya bikuu binεn ê Nyo', ebon njan ben ε bo dεwle é wvú efεε lo ê ben ejim. <sup>8</sup> Ben eto nceencee mbew Nyo' le, é wvú eto tεn nceencee mbew yene le. Ben bonyii bò befe ebvuushε can fô mwεεm mvù befe le, ecukε mvuntelem mvunεn ben bò leeme mvuntelem mvunfεεm ben ε bo Nyo'. <sup>9</sup> Ben enù bô yii, beelè shiwsè misεm nεn wowwowwow. Ben elu bô dikie, ebeelè ε è nu kpwe, elu bô njon wvù ben yuuke, esoò ε è nu bikuu. <sup>10</sup> Ben eshike bikuu binεn ê Nyo' ejise, é wvú ecake ben we.

*Fo wee elomté gee di waa bwee le kε*

<sup>11</sup> Boom bo bwεεm e, fo wee ejemyi díεw yì befe εkumε waa bwee kε. E wee jemyi díεw yì befe εkumε waa bwee kεnεε lomte gee di waa bwee le, tu wvú jemyi díεw yì befe ε è nu εkumε nci Nyo' bvuu lomte nci wvudvu. E wee lomte nci Nyo', tu kε wvú bεε wee wvù gεεle nci kε. Wvuwee wee nu ε tu wase wee wvù saake lo nci. † <sup>12</sup> Wee wvù nyaa nci bvuu sumtene bonsaw bo bonyii le nu kε mwaan. E nu kε wvú wvù nulo eboyse kεnεε elεse

\* **4:5** Kεnεε le “Keyoy ke Yuule kè Nyo' to nyaε ê beene kεnjke shiee, beele baay le beene eleemè kε beene ε bo Nyo'.” **4:6** 4:10; Bηgn 3:34; Mat 23:12; 1Bi 5:5 **4:7** Efε 6:12; 1Bi 5:8-9 **4:8** Mben 18:20, 24; Yεsa 1:16; Saka 1:2-3; Mala 3:6-7 **4:9** Luk 6:25 **4:10** 4:6; 1Bi 5:6 **4:11** Mben 101:5; 1Bi 2:1 † **4:11** Nci wvun nu le, “E koonjë waa bwoo no wo koonjë εkolε kuw”. E è bvuu nu kε wvù wvù Jem gayte le wvù boysee bonyii. **4:12** Lum 14:4; 1Kol 4:5

wee. Wo ε no nu yεε wvù lomte gee di waa bwoo le?

*Fo ben esaalè ye ke*

<sup>13</sup> Ben eyeke eyuw, ben bò nen'yi no duu le, “Eben kenεε ntfuu nu ε bese nu egen kin kelaante le kenεε keki le, ece jó yî kelum e, ekamεm way, ekenke σεw.” <sup>14</sup> Ben ké dioo jemyi nonen no kee fiεε fi nu ebuy ekooy ntfuu le? Ben kee fiεε fi è nu nshii wene? Nshii wene nu diεwε kekfu kè bó yene kí le, moocε caan ε kí ε la wase. <sup>15</sup> Fiεε fi ben bee ejemyi nu le, “E Nyo' fεn nu ε bee le bese enù dvú, é bese ke ege fin fiεε ebvuu ege fifi.” <sup>16</sup> Geenεn, ben nen'yi finεn kaa no saale lo ye, kfune gvuw. Ben ekeè le keesaale ye nonen nu kebefε. <sup>17</sup> Nonen, é wee kee fiεε fi leη fi wvú kenke keege, ε fanε yaa ege, tu wvú nu ε ge kebefε.

## 5

*Bonyii bo kpaw e eyenè*

<sup>1</sup> Bonyii bo kpaw e, ben eyeke eyuw fiεε fi me njemyi. Ben ebeelè, fuunke kpwe nje ηgew wvù nu ke eto fô ben e. <sup>2</sup> Kpwaw wene nu ε fo wase, shéw ε kan ndvú yene. <sup>3</sup> Mwεεm mvunen mvu bigew e nu ε duwse wase. Nduwse wvun nu ke edunε nce wene ken'yεε ejise, ebvuu edie ye yene diεwε ηguy e. Eyan nu wase ediuw yo fokemεse, ε ben baanci ke ε è nu kpaw. <sup>4</sup> Ben etaa eyen, ben nu ε

**4:13** Bηgn 27:1; Luk 12:18-20      **4:14** Job 7:9-10; Mben 39:5-6

**4:15** Lem 18:21; Lum 1:10; 1Kol 4:19; 16:7      **4:16** 1Tim 6:17; 1Jon 2:16      **4:17** Luk 12:47      **5:1** Bηgn 15:6; Yεsa 5:8-10; Amo 6:3-7      **5:1** 1:10; Luk 6:24      **5:2** Mat 6:19-20      **5:4** Ksm 3:7; Lεw 19:13; Yeli 22:13; Mala 3:5

λεε bonyii bò lemte ηεε yene. Bó nu ε gbwele wase mwεεm mvunen ben ε fan keelaw bó, bó ε no beele. Bó nu ε bee wase Tata Nyo' wvù κηηke Mvunγay Mvunciim ε yuw kpwe yibo. <sup>5</sup> Ben nu ε ce wase fokuse φεν ε die bikuu binen no ye yene shieele. Ben nu ε dieken wase ε fanκen diεwε binson bi nyám e bì ceyte diuu di bó nu ke esane le. <sup>6</sup> Ben nu ε bon bikaá ê bonyii εjim bó ε ley ηγεw e. Ben ε yuwyε bonyii se bó nu ε jay φιεε ηkuuη, ε è nu bonyii bò nulo saa ebon ηηη ben ε bó κε.

*Bonyii bo Nyo' le enù nyεkeey*

<sup>7</sup> Boom bo bwεεm e, fí mum è no nu λε ben enù κε nyεkeey egen ebuy seke Tata nu ke ekase eto. Ben etaa eyen no bonyii bò lemte ηεε ké no nu nyεkeey γεν buy seke bó ké gbwele ηgu yì jee ηεε yibole. Bó ké cey ε jan ghan gbwe ε bó jewe mwεεm, ké cey ε mvú ghan be. <sup>8</sup> Ben ten enù κε nyεkeey nonen. Ben eleemè κε temyi njefo kefew kè Tata Jisos nu ke eto nu wase nceencee.

<sup>9</sup> Boom bo bwεεm e, fo wee ewvukenè waa bwee κε. Wee wvù wvukene waa bwee nu ke eκεηke nsaw. Wee wvù nu ke esumtene bonsaw nu wase ê yew fwese. <sup>10</sup> Boom bo bwεεm e, ben ejo kenfewsεν fô bonyii bo ntum e bo Nyo' le bò to ké no jemyi ê bonyii ê diee di Nyo' le. Bó to yene bonγεw, nu κε nyεkeey. <sup>11</sup> Beene nu ε yen λε bonyii bocii bò to nu ε kuu shém γεν mεse nu ε Nyo' ε lan kemonen yì bó le. Ben nu ε yuw wase ekumε Job no wvù to kulεε shém γεν mεse, ε bvuu ε yuw ten no

---

**5:5** Yeli 12:3; 25:34    **5:7** Jue 2:23; 2Bi 3:3    **5:8** Lum 13:11-12; 1Tes 5:5-8; Ibu 10:25, 37    **5:9** Mat 7:1-2    **5:10** Mat 5:12; Ibu 11:32-38    **5:11** 1:12; Ksm 34:6; Job 1:21-22; 2:10; 42:10-17

Tata Nyo' to ghanεε banke ηγεω we ε è tu bvujonke. Tata to ge nonεn, njefo wvú camte shen bô bonyii, koole yii fô bó le.

<sup>12</sup> Boom bo bwεεm e, fiεε fi fele mwεεm mvunciim nu le, fo wee ke dioo jemyi fiεε kan naa lo κε. Kenεε wvú kane ε è nu won Nyo', kenεε wvú kane nshε, kenεε è nu fiεε diee la. E wee benje fiεε le, “Eε”, ε è no nu no fí nu. Wvú ε tun le, “Aay”, ε è no nu no fí nu. E ben gee nonεn, Nyo' saa ke ebvuu elese wee ηγεω e κε.

### *Bunle bô mbee fi lo*

<sup>13</sup> E wee mvu ben e yεne ηγεω, é wvú no bunleè. Wee é no yuuke njon, é wvú no yemtè bensee Nyo'.

<sup>14</sup> E wee mvu ben e camte lo, é wvú tee bocee kentaashε ke bonyii bo mbee le, ε bó to bunle ê wvú we, yefe wvú bô mεεm ê diee di Tata le, <sup>15</sup> é bunle yidvu yì bó bunlee ε bó ε lese fitele yî Tata le, efi wvú é wvú ebonεn, é Nyo' ecake wvú we. E è fεn nu ε wee wvudvu ε ge kebefε, é Nyo' elεshε enya ê wvú. <sup>16</sup> Nonεn, fí è no nu le, é wee ge fiεε fi befe, é wvú see ê waa bwee, é wee ebunle fô wee noo wee le, wvu le Nyo' efε ben. Bunle wee wvu teytoy kenke mvun gay baay gee mwεεm nteen.

<sup>17</sup> Ben ejo kenfewsεn yî Elayja le. Wvú to nu κε wee wvu wum diεwε beene le. E wvú ke bunle shiee le le fo jan egbwe yî nshε le κε. E jan mey κε we nonεn yî bilum e bitεte bô ken gawtεn. <sup>18</sup> E wvú ke nε kase bunle, ε Nyo' shike jan, ε mwεεm kase no kuu yî nshε le.

---

**5:12** Mat 5:34-37      **5:13** 1:5-6; Lem 16:25      **5:14** Mak 6:13  
**5:15** Mat 9:2; Mak 16:18      **5:16** Mben 32:3-5; 38:4-6; Bnqn 28:13;  
 1Jon 1:8-9      **5:17** 1Bfn 17:1      **5:18** 1Bfn 18:42-45

19 Boom bo bwεεm e, é wee mvu ben e nε ε cinε je kecεεy e ε no bvuyte lo, wee mvu ε jo wvú ε tu bô wvú jim, 20 ε wee wvù tu bô wvú jim wε no kee le é wee banke wee wvù gee mwεεm mvù befe, wvú ε cinε jé ye yi εcici le, tu wvú nu ε bvuse mwεεn diuw kpwe le, Nyo' ε lεshε bibefε biew bì nu ε bí ε mâ lo.

**Nwa' Nyo' Monkan mo Monfem  
New Testament in Noone (CM:nhu:Noone)**

copyright © 2011 Wycliffe Bible Translators, Inc.

Language: Noone

Translation by: Wycliffe Bible Translators, Inc.

**Copyright Information**

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

**The New Testament**

in Noone

**© 2011, Wycliffe Bible Translators, Inc. All rights reserved.**

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

---



PDF generated using Haiola and XeLaTeX on 21 Feb 2024 from source files  
dated 29 Jan 2022  
5b12a3f8-7a2a-5b6f-b1da-1bf94b13fc2e